


Reaccion

ESNAN DI PARKE TIRAKOCHI A KEDA ASOMBRA

Den e Matutino di Weststraat di dia 29 December ultimo a sali un articulo cu a causa hopi asombro y sentimentonan mixto cerca Directiva y otro voluntarionan di Fundacion Grandi Pa Chikito Di Savaneta.

No solamente cerca nos, pero tambe cerca e gran cantidad di persona cu conoce e Fundacion aki. E articulo ta titula: "Ministro Beke ta confirma 'Tabatin algo straño cu subsidio pa Parque Tirakochi'."



Pakico asombro pa cu e articulo aki? No mas cu dia 7 December 1995 Ministro Beke, den su funcion como Ministro a felicita voluntarionan cu nan dia pa nan bunita trabao, un trabao sin pago y cu ta existi hopi perseverancia y Ministro Beke a expresa su speranza pa voluntarionan continua

cu nan trabao valioso, un trabao cu en realidad ta toca Gobierno pa haci!

Ni tres siman despues Ministro Beke ta desbarata boluntad di voluntarionan treciendo e trabao di esnan di Fundacion Grandi Pa Chikito den un ambiente negativo, mezclando Parke Tirakochi cu Lotto pa Deporte.

Pa kita tur duda, un relato di historia di Parke Tirakochi: For di 1973 un ex-Maestra di Savaneta tabatin un soño. Un soño cu un dia e muchanan di Savaneta en particular di Aruba en general lo por goza na nan antoho di un speeltuín. A logra forma un comision, recauda fondo, pero e soño mes a keda un soño.

E señora ex-maestra aki no a bandona e idea. El a bolbe acerca otro personanan joven y cu ayudo di mas personanan a base voluntario a cuminsa move y a yega na lanta "Fundacion Grandi Pa Chikito di Savaneta". Dia 5 di November 1991 cerca Notario mr. F.E.E. Tjon-Ajong esaki a tuma lugar. Meta: Speeltuín Savaneta.

E fondo cu e comision di ex-maestra a recauda a keda pasa pa Fundacion Grandi Pa Chikito. "Comision di mayorman di Prome Paso Kleuterschool Savaneta, comprondiendo balor di un speeltuín, a aporta cu un bunita suma. Gobierno di e tempo ey tambe a mira e necesidad di un speeltuín ya cu ni un gymzaal e schoolnan di Savaneta no tabatin y tambe a haci un donacion.

Ademas hopi comerciante, personanan di Savaneta a haci un donacion pa e Fundacion por cumpli cu su meta. E Fundacion a ricibi tambe un subsidio considerable di Cede Aruba y Obispado. Obispado a duna un contribucion den forma di un tereno adecua pa e Speeltuín.

Pues e Fundacion a ricibi aporte di tur banda. Ta berdad cu Lotto pa Deporte tambe a duna un aporte pa cual e Fundacion ta gradecido.

Parke Tirakochi a demostra di ta yena un "bashi", un necesidad pa muchanan, un "voorziening" esencial den educacion y desaroyo di e mucha. Danki na e trabao di voluntarionan. Tur tipo di school ta haci uso di e facilidatnan di Parke Tirakochi, cu ademas no ta cobra pa entrada. Schoolnan sa haci un donacion.

Den vakantie di aña 1995 Parke Tirakochi trabaonan di mantencion manera cambia santo, verf afdak, pone y corta mata a tuma lugar. Tambe a traha un Kiosko cu ayudo financiero di Cede Aruba.

Directiva y otro voluntarionan di Fundacion lo sigui cu nan trabao voluntario sin ningun interes personal, pasobra nan sa cu e mucha ta fundeshi di futuro di mundo. Nan sa cu hungamento ta esencial pa desaroyo di e mucha. Nan sa cu hungamento ta yuda e mucha desaroya fisicamente, mentalmente, emocionalmente y socialmente. Parke Tirakochi ta ofrece e ambiente caminda e mucha por explora y siña, topa otro mucha y disfruta di sentimento di libertad.

Declaracion di Derechonan di Mucha aproba pa Nacionnan Uni na aña 1959 ta bisa: cu mucha mester tin tempo pa hunga y pa sosega y cu mester tin recreacion pa mucha.

Sperando cu tur noticia negativo cu a sali den publicidad encuanto Parke Tirakochi a worde aclarea.

Directiva y otro Voluntarionan di Fundacion Grandi pa Chikito di Savaneta.

CAMINDA BANDA DI CAS DI MINISTRO TA MALISIMO


ORANJESTAD (AAN): Habitantenan cu ta biba cerca di cas di Ministro Tico Croes na Santa Cruz ta indicando na DIARIO cu e caminda cu tin hopi cerca di su cas, ta den un estado malisimo.

Peor cu e recién awacero cu a azota Aruba, e caminda a keda mescos cu superficie di luna. Nan ta pidi si acaso

e instancia concerni por haci algo cune.

Tambe na Santa Cruz e dianan cu a pasa tabatin cobramento mey-mey di caminda pa asina pone sea

tubo of cabel. Pero e buraco diagonal aki no a worde tapa back cu asfalt, y door di esey chofernan ta dal masha duro mes den esaki.



Telefon di **DIARIO**
26747

CANA	PAGA	BET	CREDIT
TA PAGA TE 99.2% RIBA SLOT	TOURNEO CU PREMIO C A S H	THE NEW MILLER BAND	CAMBIA E AD AKI PA UN FREE FUNBOOK! (\$ 50.00 VALOR)
TOURNEO DI BLACK JACK DIALUNA Y DIABIERNA 6 PM	TORNEO DI CARIBBEAN STUD DIARANSON PA 6 PM	TORNEO DI SLOTS DIADOMINGO-DIAMARS-DIAHUEBS TA INCLUI WEGA GRATIS PAKETE DI REGALO JABI PA CAHA DI TESORO	
REGISTRA PA \$20.00 TA INCLUI \$500.00 NA FICHA PA HUNGA Y \$ 500.00 NA PREMIO CASH	REGISTRA PA \$20.00 TA INCLUI \$500.00 NA FICHA PA HUNGA Y \$ 500.00 NA PREMIO CASH	& UN COLLAR DI SUERTE REGISTRA DESPUES 5 PM UN ROND DI WEGA CADA 20 MIN. 10:30 PM FINAL CASH Y PREMIO	

Radisson **MASQUERADE**
ARUBA

Divi Aruba Beach Resort

TAMARIJN
Aruba
BEACH RESORT
ALL INCLUSIVE • ALL OCEANFRONT • ALL YOURS

Divi Aruba Beach Resort & Tamarijn Aruba Beach Resort
Have vacancy for: **COMPUTER TECHNICIAN**

Requirements: - Experience with N.C.R. 2760
- College Degree or equivalent
- Knowledge in: Disk Operating System (Dos)
- Unix Operating System
- Lotus 123
- Wordperfect 5.x
- Must be familiar with the IBM PC and IBM PS 2

Our mission?
"We are here to provide outstanding service toour guests and each other."

APPLY NOW!
We offer: Competitive wages, attractive benefits, a good working environment and opportunity to grow.

LOCAL APPLICANTS ONLY
Apply in person at the Human Resources Department, located at the Tamarijn Aruba Beach Resort from Monday thru Friday from 9:00 a.m. to 5:00 p.m.